

*Prohibido*  
HENRICI

BOCERI, J. Cti.

INCLITA IN ACADEMIA

*Tubingensi Antecessoris, &c.*

Commentarius

*De la Biblioteca del Col. mayor de Ouenca*

IN

JUSTINIANI

IMPERATORIS LIBRVM  
I. INSTITVTIONVM JURIS,

*singulari diligentia ante annos 24. adornatus, nuper recognitus,  
juris studiosis apprimè fructuosus.*

*IN TRES RELIQUOS LIBROS COM-  
MENTARII AB EODEM AVTORE SIMILITER OLIM  
conscripti, nunc denuò regustati, ordine (Deo gratiam largiente)  
separatim sequentur.*



TUBINGÆ,

Excudebat Theodoricus Vverlin, Impens. Iohan.  
Berneri, Civis, & Typof. Francof.

ANNO M. D. C. X. V. I. I.



# DE COMMENTARIO HOC AUCTORIS

Praefatio.

**A**NNOS ANTE VIGINTI  
quatuor completos ferè ad confici-  
endos, in Iustiniani Romanorum  
quondam Imperatoris Augustissimi  
Institutiones quoque juris, commentarios stu-  
dium contuli meum. Illi autem quasi neglecti  
meâ in Bibliothecâ hucusque delituerunt; &  
necdum publici juris facti fuissent, nisi in me-  
moriam nuper revocassem mihi magnitudinem  
laboris, quem in ipsos impendi sedulo.

Non quidem ignoro docta aliorum, & ela-  
borata cum veterum, tum recentiorum com-  
mentaria in hunc elegantissimum Caesarem  
libellum extare; verum quia in meis meditatio-  
nibus illis, cum eas non ita pridem revistarem,  
animadverti, editione & lectione earum juris  
studiosis adjumentum aliquod ad cognoscenda  
juris principia solida, allatum iri, animum in-  
duxit





## De Prooemio INSTITUTIONVM Iustiniani Imper.



PEROSIS NONNULLI COMMENTARIIS prooemium hoc, & Iustiniani Imper. titulos ipsi prooemio præpositos, explicant. Verum quia historicum illud est, nec ad juris cognitionem pertinet, laborem meum eò non extendam.

Totius autem prooemii hujus quæstio hæc est: Num hæ Institutiones vim legis habeant, & à tyronibus avidè promptèque acceptari, & disci debeant? Hanc quæstionem bimembrem affirmativè decidit Imper. & prius quidem membrum à causâ efficiente; posterius à materia, & forma.

Causa Institutionum efficiens principalis est ipsemet Justinianus Romanorum Imperator; qui describitur hîc ab adjunctis duobus, quod scilicet armis sit decoratus, & legibus armatus, proindeq; potestatè cõdendæ legis habeat; quæ adjuncta declarantur ab effectis Iustiniani Imper. quæ sunt, quod hostes suos devicerit, & innumerabiles provincias suis victoriis Romanæ ditioni, & Imperio restituerit: quodque populo Romano antea etiam leges partim promulgaverit, partim composuerit: Quod utrumque exemplis declarat.

Principali huic causæ adiiciuntur etiam causæ adjuvantes; U't sunt Tribonianus, Theophilus, & Dorotheus, viri illustres Antecessores, quorum operâ & studio in componendis hisce Institutionibus Imperator usus fuit.

Hoc autem Syllogismo prius quæstionis propositæ membrum Imper. concludit: Illæ juris Institutiones vim legis obtinent, & ab omnibus Imperio Romano subjectis observari debent, quæ Imperatoris autoritate compositæ, & editæ sunt: Sed hæ juris Institutiones sunt eiusmodi: Ergò, &c.